

Pita **ndê bapia ŋamata-ŋga** **Yom whê bapia dindéc sa-ŋga**

Ngac nan to bapia dindéc inŋ Pita, Yisu ndê aposel danŋ. Inŋ to têtŋ lau sêkêtŋ whinŋ-ŋga nanŋ sêmbo babalip tòm gameŋ honŋ nanŋ lau Rom-ŋga sem gôlinŋ. Lau dau sêhôtŋ ŋawapac daêsam, ma lau sêkêtŋ kisa ŋac tu sêkêtŋ whinŋ Yisu-ŋga.

Pita tac whinŋ bu puc ŋac dôŋ, bu sêlhac ŋanŋga ma ti atac ŋayham tu mwasiŋ atu ti ŋawasi atu nanŋ Anötö gic bata tu ŋac-ŋga yêc undambê. Tòm Anötö unŋ Yisu sa akêtŋ lau batê-ŋga, nanŋ oc kôm têtŋ ŋac bocdinaŋ. Inŋ to yom pi ŋandê ti ŋawapac daêsam nanŋ Yisu hôt têtŋ ndoc inŋ mbo nom, ma sôm bu lau nanŋ sêŋkuc Yisu, nanŋ sêwêkainŋ inŋ ndê lêtŋ dinaŋ. Inŋ whê sa bu ŋawapac tidau-tidau gitôm bu puc ŋac dôŋ, ma tinŋambu têtŋ ndoc Pômdau mbu meŋ, nanŋ ŋac oc sêtap waê atu sa. Ma Pita to yom pi lêtŋ ŋayham ma dabunŋ bu lau sêkêtŋ whinŋ-ŋga sêŋkuc.

Pita gic hu ndê bapia ŋamata-ŋga

¹ Aô Pita, Yisu Kilisi ndê aposel, gato bapia dindéc têtŋ mac lau nanŋ Anötö kêyalinŋ mac sa, mac lau nanŋ ambo nom atôm lau apa, ma andôc babalip yêc gameŋ Pontus, Galesia, Kapadosia, Esia ma Bitinia-ŋga.

² Damanŋ Anötö kêyalê gêtŋ honŋ munŋ su, dec kêyalinŋ mac sa bu Yisu Kilisi ndê dac êŋgwasiŋ mac nem sac honŋ su, ma bu Nalau Dabunŋ kôm mac

ati lau dabuŋ, naŋ daŋam wambu Kilisi ŋapep. Mwasin ti yom malô akêŋ Anötö êŋsalê mac ahuc.

Yom pi Anötö ndê mwasin atu nem yac si-ŋga

³ Tampin Anötö, yac neŋ Pômdau Yisu Kilisi ndê Damba. Ŋahu bu in tawalô yac ndu andô, dec kôm yac datiwakuc. Gêŋ dau ŋandô sa bocdec bu, in uŋ Yisu sa akêŋ lau batê-ŋga, ma pin yac dôŋ tam damin in, ma bocdinaŋ dec yac dakêŋ batan ŋandô ŋayham kêlêc, naŋ bu oc dandöc tanli ŋapaŋ.

⁴ Ma dawêkain gêŋ lêŋsêm ŋayham, naŋ ndê ŋawasi oc niŋga dom, ma tôm dom bu tisac me hê su. Anötö po gêŋ dau sa gwanan tu mac-ŋga yêc undambê.

⁵ Mac atap Anötö ndê mwasin nem mac si-ŋga sa su, ma in kêmasan mwasin dau ŋa-ŋandô su ma hôŋ têm bu tôc ŋandô dau asê tiawê têt bêt ŋambu-ŋga. Ma tu mac nem akêŋ whin-ŋga, dec Anötö ndê ŋaclai oc yob mac e atap ŋandô dau sa.

⁶ Aô kayalê bu mac ambo ti atac ŋayham atu ŋapaŋ tu Anötö ndê mwasin hoŋ dinaŋ-ŋga. Magoc aô kayalê bu ŋawapac daêsam tap mac sa têt ŋasawa dindec, dec kôm mac nem ŋalôm ŋawapac whin. Mac ac waê bu atap gêŋ dau sa, magoc in gêŋ ŋasawa apê-ŋga eŋ.

⁷ Mac anyalê bu lau sêpec gol tu bu ŋadômbwi niŋga ma gol ŋawasi solop gacgeŋ yêc. Ma ŋalêŋ tigeŋ, ŋawapac naŋ tap mac sa, naŋ meŋ bu êŋsahê mac nem akêŋ whin. Anötö gêlic mac nem akêŋ whin bu gêŋ ŋandô, gitôm gêŋ ŋaôli atu, naŋ hêt gêtêc gol naŋ oc niŋga whin nom dindec, naŋ su. Ma mac bu ahêt ŋawapac ma asap nem akêŋ whin dôŋ ŋaŋga, dec têt ndoc Yisu Kilisi mbu meŋ têt

bêc nambu-nga, nan in oc toc mac sa ma kêñ waê ti n̄awasi n̄ayham têtñ mac.

⁸ Mac nem dan̄ gêlic Yisu pi tandô dom, têtñ n̄amata-nga e meñ têtñ kwahic dec, magoc mac atac whin̄ in̄ ma akêtñ whin̄ in̄ ambo. Ma mac nem atac n̄ayham tu in̄-nga in̄ gêtñ atu andô, ma hôc gêlêc n̄amalac si gauc me yom tu awhê sa-nga.

⁹ Ma ndoc meñ kêpiñ bu mac atap Anötö ndê mwasiñ nem mac si-nga n̄a-nandô sa, nan ti mac nem akêtñ whin̄ n̄ahu.

Propet sêhoc Anötö ndê lêtñ nem yac si-nga asê

¹⁰⁻¹¹ Lau propet sêhoc yom asê mun̄ su, pi mwasiñ nan̄ mac atap sa su. Kilisi ndê N̄alau mbo n̄ac si n̄alôm, ma kêtñilí n̄ac bu sêhoc yom asê pi Anötö ndê lêtñ nem lau si-nga. N̄alau dau hoc asê têtñ n̄ac gwanan̄ su, bu Anötö ndê Mesaya oc hôc n̄andê, ma tin̄ambu tap n̄awasi atu sa. Magoc n̄ac sêtñyalê têtñ ti ndoc ma n̄alêtñ su dom, ma tu dinan̄-nga dec sêkôm n̄angan̄a bu sêkip n̄ahu sa.

¹² N̄alau tôc asê têtñ lau propet bu yom nan̄ sêhoc asê, nan̄ tu n̄ac dau-nga dom, magoc sêhoc asê gwanan̄ tu sênem mac sa-nga. Ma lau nan̄ sêhoc n̄awaê n̄ayham asê têtñ mac, nan̄ sêwhê yom dau sa n̄a N̄alau Dabun̄ nan̄ Anötö kêñ sip akêtñ undambê meñ, nan̄ ndê n̄aclai. Gêtñ hon̄ nan̄ propet sêhoc asê, nan̄ Anötö ndê an̄ela bocdinan̄ tac whin̄ ndu andô bu sêtñyalê ma sêlic n̄andô.

Dasa lêtñ dabun̄ dandic n̄awaê

¹³ Tu dinan̄-nga dec akôc gauc n̄apep pi lêtñ bocke in̄ lêtñ solop tu asa-nga, ma ambo ti nem gauc n̄awa. Akêtñ Batam n̄apan̄ ti tamkwê mwasiñ atu nan̄ mac oc atap sa têtñ bêc nan̄ Yisu oc hoc dau asê.

14 Mac ati Anötö ndê balêkoc solop, dec danam wambu in napep, ma ahu mêtê sac hon nan mac akôm têt ndoc mac am gauc Anötö, nan sin.

15 Anötö nan kêgalêm mac sa ati in ndê, nan in dabun andô. Tu dinan-nga dec ayob daôm nem lêt hon bu akôm mêtê dabun en, atôm in dau.

16 Bu sêto Anötö ndê yom yêc bocdec bu:

Aô Anötö dabun, bocdinan asa nem lêt dabun en. *[Lev 11:44-45]*

17 Ambo nom atôm lau apa, ma atoc Anötö ma atoc in sa napep. Nahu bu Anötö, nan mac ata bu Daman, nan oc toc namalac dan sa hôc gêlêc dan dom, têt ndoc in ênsahê lau hon pi nac si lêt. In oc ênsahê lau hon na dôhôn tigen.

18 Mun-nga mac atôm lau akin mêtê sac-nga, tu lêt gauc mbasi-nga nan apami sic dulu têt mac. Magoc Anötö gêmli ti kêgapwêc mac su yêc sakin mêtê sac-nga dinan. In gêmli mac su, na gêt nan oc nînga whin nom dindéc gitôm gol me silba, nan dom. Mba. Mac anyalê su bu

19 in gêmli mac su na Kilisi ndê dac, nan hôc gêlêc gêt naôli atu-tu nom-nga hon su. Kilisi kêt dau ti da gitôm domba nawasi nayham nan nasac mbasi.

20 Anötö kêyalin in sa têt ndoc in kêt undambê ti nom su dom, ma tôc in asê tiawê têt têt nambu-nga dindéc, tu mac-nga.

21 Ma tu gêt nan Kilisi dau kôm tu mac-nga, dec mac akêt whin Anötö, nan un in sa akêt lau batê-nga, ma kêt nawasi atu têt in. Bocdinan kwahic dec Anötö ti mac nem akêt whin nahu, ma mac akêt batam bu atap mwasi atu nan in gic bata têt mac, nan sa.

²² Mac asôc yom ñandô ñapu su, dec ahu lêñ ti mêtê ñadômbwi hoñ siñ su, tu bu anjuk mêtê ñandô atac whiñ asidôwai-nga. Bocdinañ kwahic dec aô wateñ mac bu akêñ nem ñalôm sambuc bu akôm mêtê dau ñandô sa-nga.

²³ Bu mac atiwakuc su. Mac atiwakuc ñahu sip gêñ nom-nga nañ gic waê bu niñga, nañ dañ dom. Mba. Mac atiwakuc ñahu sip Anötö ndê Yom nañ gitôm gêñ tali, ma oc yêc ñapañ eñ.

²⁴ Tôm yom nañ sêto yêc bocdec bu:

Ñamalac nom-nga hoñ sêtôm kwan, ma ñac si waê gitôm ñaola ôm-nga.

Kwan yêc ñasawa apê ma tibasô, ma ñaola bocdinañ kêsôlô.

²⁵ Magoc Pômdau ndê yom yêc ñapañ. *[Ais 40:6-8]*

Ma Pômdau ndê yom dau, in ñawaê ñayham nañ sêhoc asê têñ mac su.

2

¹ Tu dinañ-nga dec ahu mêtê sac-sac hoñ siñ. Mêtê alic lau sac-nga hoñ, mêtê ansau lau-nga, mêtê dasôm yom ñayham magoc dakôm ñandô sa dom-nga, mêtê lêmuñ-nga ti lêñ dapu lau-nga tidau-tidau, nañ ahu hoñ siñ.

² Akôm ñaŋga bu akôc Anötö ndê yom sa sip nem ñalôm e tidôñ, ñalêñ tigeñ tôm balêkoc dedec tac whiñ bu sênôm su. Ma tôm dinda ndê su gêm balêkoc dedec sa bu sêtiatu, dec Anötö ndê yom oc kôm mac nem akêñ whiñ êñsôwec tiatu ma alhac ñaŋga e atap Anötö ndê mwasiñ nem mac si-nga ña-ñandô sa.

³ Mac anjalê Pômdau su ma anjahê su bu in ndê mwasinj in ngayham, bocdinañ dec ahu mêtê sac honj sinj, ma anjalê gêñ tu puc gatôm dôñ-nga.

Yisu ti hoc namata-nga andu-nga

⁴ Atigasuc Pômdau Yisu nañ gitôm hoc tali nañ Anötö kêyalinj sa ti hoc namata-nga bu kwê ndê andu lhac nahô-nga. Namalac sêtec in, magoc Anötö dau kêyalinj in sa, ma gêlic in ngayham kêlêc.

⁵ Mac bocdinañ atôm hoc tali nañ Anötö bu kwê sa ti Nalau Dabuñ ndê andu. Ma in kêyalinj mac sa ati lau dabuñ, bu anem akinj in atôm in ndê lau dabuñsiga. Ma mac nem gwelej ñandô, nañ bu akêñ daôm sambuc atôm da nañ in oc lic ngayham, ma kôc sa tu Yisu Kilisi-nga.

⁶ Tôm yom nañ Anötö sôm pi Kilisi, nañ sêto yêc bocdec bu:

Alic su nañ! Aö gakêñ hoc dañ kalhac Lôc †Sayon, nañ aö dauñ kayalinj sa ma galic ngayham kêlêc bu ti hoc namata-nga andu-nga.

Asa nañ kêñ whinj in, nañ oc maya dau dom. *[Ais 28:16]*

⁷ Mac akêñ whinj dec alic hoc dau ngayham kêlêc. Magoc lau nañ sêkêñ whinj dom, nañ sêtec hoc dau tôm sêto yêc bocdec bu:

Hoc nañ lau sêkwê andu-nga sêtec, nañ kwahic ti hoc namata-nga yêc andu dau. *[BW 118:22]*

⁸ Ma yom dañ tiyham yêc bocdec:

In hoc nañ lau daêsam oc sêtiñ gahi pi ma sêpeñ. *[Ais 8:14-15]*

Ñac sêpeñ, ñahu bu sêtec yom pi Kilisi, tôm yom nañ Anötö hoc asê gwanañ su.

Anötö ndê lau si lêñ

⁹ Magoc Anötö, naŋ kêgalêm mac sa bu ahu ŋasec siŋ ma ambo iŋ ndê ŋawê atu ŋalôm, naŋ kêyaliŋ mac sa muŋ su ati iŋ ndê, ma bu ati gôlôwac dabuŋ toŋ tigeŋ, ma anem akiŋ iŋ gitôm lau dabuŋsiga naŋ sem akiŋ ŋac si Kiŋ. Iŋ kôc mac sa ati iŋ dau ndê lau, tu bu ahoc yom asê pi gêŋ atu-tu hoŋ naŋ iŋ kôm tu mac-ŋga.

¹⁰ Muŋ-ŋga mac Anötö ndê lau dom, magoc kwahic dec ati Anötö ndê lau solop. Ma muŋ-ŋga mac atap iŋ ndê tawalô sa dom, magoc kwahic dec mac atap sa su.*

¹¹ Aneŋ lau atac whiŋ-ŋga. Nom dindéc ti mac nem malam ŋandô dom, magoc mac ambo atôm lau apa. Aô bu wanem la mac bu akôm mêtê sac-sac ŋalôm akwa-ŋga ŋandô sa dom. Bu mêtê kaiŋ dinaŋ gitôm ŋacyo naŋ gic siŋ têŋ mac ŋapaŋ, ma gitôm bu seŋ mac nem gatôm su.

¹² Mboe lau naŋ sêkêŋ whiŋ dom, naŋ oc sêŋgôliŋ yom pi mac, ma sêsôm bu mac lau akôm sac-ŋga. Magoc ambo awhiŋ ŋac ma ayob bu akôm mêtê ŋayham eŋ, dec ŋac oc sêlic bu mac nem lêŋ ti sakiŋ hoŋ ŋayham, ma mboe oc ti lêŋ bu sênem dau kwi ma sêkôc Anötö sa ti ŋac si Pômdau, ma sêmpin iŋ têŋ ndoc iŋ mbu têŋ yac meŋ.

Dasôc gôliŋwaga ti ŋadaui ŋapu

* **2:10:** Pita kôc gauc pi yom naŋ propet akwa Hosea to muŋ su. Anötö sôm têŋ Hosea bu sam iŋ ndê balêkoc daŋ bu 'Aneŋ lau dom' (Hos 1:9; 2:23b), ma daŋ bu 'Lau naŋ aô atac whiŋ ŋac dom' (Hos 1:6; 2:23a). Balêkoc lu dinaŋ sêti dôhôn lau Israel-ŋga naŋ danŋapêc têŋ Anötö. Magoc tiŋambu iŋ tawalô lau Israel-ŋga, dec sam ŋac bu 'Aneŋ lau' (Hos 2:1, 23b) ma 'Lau atac whiŋ-ŋga' (Hos 2:1, 23a).

13 Tu Pômdau-nga dec asôc lau hoŋ naŋ sem gôliŋ sêmbô nom, naŋ ŋapu. Asa naŋ ti mac nem kiŋ atu, naŋ asôc iŋ ŋapu.

14 Ma lau naŋ kiŋ dau kêkiŋ bu sênem gôliŋ gamerŋ ŋatô, naŋ asôc ŋac ŋapu bocdinaŋ. Iŋ kêkiŋ ŋac bu sêkêŋ ŋagêyô têŋ lau naŋ sêkôm sac, ma bu sêtoc lau naŋ sêkôm ŋayham, naŋ sa.

15 Bu Anötö tac whiŋ bu mac akôm mêtê ŋayham eŋ, e lau gauc mbasi-nga naŋ sêŋyalê iŋ ti ndê yom dom, naŋ sêŋgapiŋ whasuŋ ahuc, ma tôm dom bu sêŋgôliŋ yom pi mac.

16 Ambo atôm lau akiŋ ŋambwa dom, magoc ambo atôm lau naŋ sêti ŋadau dau. Magoc gauc nem bu yom dau kêŋ ŋasawa têŋ mac bu asa lêŋ sac-nga dom. Mba. Bu kwahic dec mac ati Anötö dau ndê lau akiŋ, dec asa nem lêŋ aŋkuc iŋ ndê atac whiŋ.

17 Atoc lau hoŋ sa ŋapep, ambo ti atac whiŋ asidôwai sêkêŋ whiŋ-nga hoŋ, atöc Anötö ti asôc iŋ ŋapu ŋapep, ma atoc nem kiŋ nom-nga sa.

18 Mac lau naŋ am akiŋ ŋadaui, asôc ŋac ŋapu ma atoc ŋac sa ŋapep. Akôm ŋalêŋ tigeŋ têŋ ŋadaui ŋayham naŋ sêyob mac ŋapep, ma têŋ ŋadaui sac naŋ si ŋalôm apê, naŋ bocdinaŋ.

19-20 Mac bu akôm sac dom, magoc sêkêŋ ŋandê têŋ mac tu aŋyalê Anötö ma aŋkuc iŋ-nga, dec ahôc gêŋ dau, ma gauc nem bu Anötö gitôm bu êmwasiŋ mac ô ŋandê dinaŋ. Magoc mac bu akôm sac ma sêndic mac, naŋ tamkwê mwasiŋ daŋ ô ŋandê dau dom, bu iŋ lêŋ solop bu sêmatôc mac.

Taŋkuc Kilisi ndê dôhônŋ hôtê ŋandê-nga

²¹ Bu lau nan Anötö kêgalêm ñac sa, nan sic waê bu sêhóc ñawapac kain ñinan. Nahu bu Kilisi hôc ñandê tu mac-ñga bocdinañ, dec tôc dôhônj têt mac bu ankcuc-ñga.

²² Tôm yom nan sêto yêc nan sôm bocdec bu:

Inj kôm sac ñan dom, ma sôm yom sac ñan sa
whasuñ dom. *[Ais 53:9]*

²³ Têt ndoc lau sêsôm yom sac-sac pi inj ti sêpu inj, nan inj sôm yom sac ñan ô dom. Ma têt ndoc sêkêt inj hôc ñandê, nan gic ndoc ñac bu kêt ñagêyô-ñga dom. Mba. Inj kêt dau sambuc sip Anötö amba, nan oc êmatôc gêt honj ñalêt gitêt.

²⁴ Inj hôc yac neñ sac ñagêyô pi dau ñamlic, têt ndoc inj mbac ndu pi a gicso dau. Inj kôm bocdinañ tu bu yac dahu mêtê sac siñ gitôm lau batê sêhu gêt nom-ñga siñ, ma dambo tanli ti dasa lêt gitêt enj. Mêtê sac inj gitôm gêmbac atu nan kôm yac honj, magoc ñandê atu nan Yisu hôc, nan kôm yac ñayham sa tiyham.

²⁵ Bu muñ-ñga mac akôm mêtê sac tidau-tidau tôm domba nan si ñadau mbasi, ma sêmbo babalip. Magoc kwahic dec mac ambu atêt ñgac ñayham yob domba-ñga, nan yob mac nem gatôm ñapep enj.

3

Lauwhê ma laungac si lêt ñayham

¹ Aô bu wanem la mac lauwhê whin bocdec bu, asôc nem akwenj ñapu ñapep. Ma ñalêt ñinan mac nan nem akwenj sêkêt whin yom ñandô dom, nan mboe mac nem lêt ñayham oc nditôm bu nem ñac kwi ma sêkêt whin. Nac oc sênem dau kwi nahu sip

yom daêsam nan mac bu asôm tu bu anem nac kwi-nga dom.

² Mba. Sêkac dau kwi nahu sip nac sêlic bu mac atoc Pômdau sa nandô, ma asa nem lêng nawasi enj.

³ Mac lauwhê anjô. Akôc gauc napep pi gêng awê-nga tôm anem bocbinj kêclauj, me gôlônj namlic-nga ti nakwê naôli atu-tu. Bu gêng dinaj nadj oc kôm mac ati lauwhê ti anôm yêc Anötö anjô-nga dom, ma bocdinaj gauc nem ênjêc dom.

⁴ Gêng nanj kôm mac ati lauwhê ti anôm yêc Anötö anjô-nga, nanj lêng najham ti lêng malô nanj yêc sinj dau yêc nem nalôm. Mêtê kainj dinaj Anötö tac whinj hôc gêlêc, ma oc tôm dom bu ninja.

⁵ Bu lauwhê dabuj muj-nga-nga nanj sêkênj whinj Anötö, nanj sênjuc lêng tigenj dinaj. Nac sêsôc si njaci naju, dec sêti lauwhê ti anjô.

⁶ Gauc nem Sara, nanj sôc inj nakwej Abraham naju ma sam inj bu ndê najau. Ma mac bu akôm mêtê najham enj, ma atôc daôm tu gêng danj-nga dom, nanj mac atôm Sara ndê atuwêi.

⁷ Ma aô bu wanem la mac lau-ngac whinj bocdec bu. Mac anjalê su bu mac nem lauwhêi si licwalô gitôm mac nem dom. Bocdinaj ayob bu asa lêng ti gauc tu ambo awhinj nac-nga, ma bu atoc nac sa napep. Ma gauc nem bu mac honj oc atap Anötö ndê mwasinj andôc tamli-nga sa awhinj daôm. Mac laungac anjuc lêng dinaj, dec gêng danj oc lhac mbec nanj atenj têj Anötö, nanj ahuc dom.

Lêng najham bu lau sêkênj whinj-nga honj sênjuc

⁸ Aô bu wasôm yom najô tiyham nanj gic waê mac honj. Ambo awhinj daôm ti nalôm tigenj. Tamwalô nem asidôwai nanj sêhêc najwapac, ma

anem ñac sa bu atôc nem atac whiñ ñac-ñga asê. Ma ahu gauc atoc daôm sa-ñga hoñ siñ.

⁹ Lau bu sêpu mac me sêkôm mêtê sac tidau-tidau têt mac, nañ ayob bu akôm ô dom. Magoc asôm yom ñayham ma anem mbec lau dau. Ñahu bu Anötö kégâlêm mac sa bu atap inñ dau ndê mbec ñamwasiñ sa.

¹⁰ Gauc nem yom nañ sêto yêc bocdec:

Asa nañ tac whiñ bu mbo ñayham tôm inñ ndê têt mbo tali-ñga, nañ yob whasuñ têt yom sac-sac ma yom tasanñ hoñ.

¹¹ Inñ puc dômbwê mêtê sac hoñ ma kôm mêtê ñayham eñ, ma êñsahê ñañga bu sa ndê lêt hoñ malô eñ.

¹² Ñahu bu Pômdau tatiñ lau gitêt ma kêt dança ñac si mbec. Magoc inñ atac tec ma aňgô yaê lau sêkôm sac-ñga. *[BW 34:12-16]*

Lau nañ sêsa lêt gitêt, nañ oc sêtap kisa sa

¹³ Mac bu akêt nem ñalôm sambuc tu akôm mêtê ñayham-ñga, dec asa oc kêt sac mac?

¹⁴ Magoc mac bu ahôc ñawapac ma atap kisa sa tu asa lêt gitêt-ñga, nañ atôc daôm ti ahêgo daôm dom, bu mac atap Anötö ndê mwasiñ sa su.

¹⁵ Apo Kilisi sa ti Pômdau ndôc nem ñalôm. Akôc gauc ñapañ pi Anötö ndê mwasiñ ñayham nañ mac tamkwê ambo, dec têt bocke lau bu sêndac mac pi gêt dau, nañ mac atôm bu awhê gêt dau ñahu sa têt ñac.

¹⁶ Magoc akôm gêt dau ti asap lêt malô dôñ, ma atoc lau hoñ sa. Ayob daôm bu asa nem lêt hoñ ñapep eñ, dec oc têt bu ambo ti atac pa su bu mac nem giso mbasi. Ma lau nañ sêpu lêt ñayham nañ

mac asa tu akêḥ whiḥ Kilisi-ḥga, naḥ oc maya dau tu ḥac si yom-ḥga.

17 Anötö bu kêḥ ḥasawa têḥ lau bu sêkêḥ ḥawapac têḥ mac tu akôm mêtê ḥayham-ḥga, naḥ ḥayham, hóc gêlêc sêkêḥ ḥawapac têḥ mac tu akôm mêtê sac-ḥga.

Kilisi ndê mbac ndu ḥa-ḥandô

18 Bu Kilisi dau mbac ndu tidim tigeḥ tu lau hoḥ si sac-ḥga. Kilisi iḥ ḥgac gitêḥ, tigeḥ iḥ hóc ḥawapac dau ô yac lau dakôm sac-ḥga, bu êmasaḥ lêḥ datigasuc Anötö-ḥga. Iḥ mbac ndu gitôm ḥamalac ti ḥamlic nom-ḥga, magoc Anötö uḥ iḥ sa ti ḥalau.

19 Ma ti ḥalau dec iḥ gi hoc ndê tisa ḥawaê asê, têḥ ḥalau naḥ sêndöc gapocwalô.

20 Ḥalau dinaḥ,* ḥac daḥgapêc têḥ Anötö têḥ Noa ndê têm. Têḥ têm dinaḥ Anötö kôc ndê ḥalôm dôḥ, ma hôḥ Noa bu ndic dabiḥ waḥ atu naḥ iḥ sô. Ma waḥ dau gêm lau 8 solop si têḥ ndoc bu suḥ atu.

21 Bu dau tôm d ôhôḥ tu busaḥḡu naḥ gêm mac lau têm kwahic dec-ḥga si. Busaḥḡu dau gêm mac sa bu kêḡwasiaḥ ḥadômbwi ḥamlic-ḥga su ḥambwa dom. Magoc bu dau gêm mac si bu iḥ piḥ mac dôḥ am damiaḥ Yisu Kilisi tu iḥ ndê tisa akêḥ lau batê-ḥga, ma tôc asê bu mac amatiḥ pwac awhiaḥ Anötö bu asa nem lêḥ ḥawasi eḥ ambo iḥ aḥḡô-ḥga.

* **3:20:** Yom dau ḥahu yêc awê dom. Lau ḥatô gauc gêm bu ḥalau dinaḥ, ḥac aḥela sac naḥ daḥgapêc têḥ Anötö têḥ Noa ndê têm, dec iḥ kêḥ ḥac sêndöc gapocwalô ḥapaḥ (alic Gen 6:1-3; ma 2 Pit 2:4). Ma lau ḥatô gauc gêm bu ḥac lau nom-ḥga naḥ daḥgapêc têḥ Anötö têḥ Noa ndê têm, naḥ si ḥalau. Ma yom naḥ Yisu hoc asê têḥ ḥalau dinaḥ, naḥ bu tôc asê têḥ ḥac bu iḥ ku ḥac ti iḥ ndê ḥacyo hoḥ dulu, têḥ ndoc iḥ mbac ndu pi a gicso dau ma tisa tiyham.

22 Ma Kilisi dau pi undambê gi su, ma ndöc Anötö ndê andô-nga, ma aŋela ma gôliŋ ti ŋaclai hoŋ sêsôc iŋ ŋapu.

4

Lau sêkêŋ whiŋ-nga si lêŋ

¹ Kilisi hôc ŋandê ma mbac ndu tôm ŋamalac, ma boc-dinaŋ dec akôc gauc pi iŋ ndê lêŋ dinaŋ, ma amasaŋ daôm bu aŋkuc iŋ. Bu asa naŋ töc dau dom bu hôc ŋandê tu Kilisi-nga, naŋ tôc asê bu iŋ tec lêŋ mêtê sac-nga.

² Ma boc-dinaŋ mêtê sac ŋalôm ŋagalac-nga oc tôm dom bu nem gôliŋ iŋ tiyham, ma iŋ oc sa ndê lêŋ hoŋ tôm Anötö ndê atac whiŋ, e iŋ ndê têm mbo tali-nga pacndê.

³ Bu têm baliŋ hic su mac akôm mêtê sac tidau-tidau, tôm lau naŋ sem gauc Anötö, naŋ sêkôm. Lau kaiŋ dinaŋ sêŋgamiŋ dau têtŋ mêtê sac daŋ dom. Sêkôm mêtê ŋalôm ŋagalac-nga ti mockaiŋ-nga maya pac, seŋ asam ti sênôm gêŋ êŋiŋ ŋac-nga ŋapaŋ, ma sêkôm mêtê sac tu sênem akiŋ gwam-nga.

⁴ Ma kwahic dec sêlic bu mac lau akêŋ whiŋ-nga ahu ŋac si mêtê wachuc ti lêŋ sêkôm mêtê sac bambaliŋ-nga siŋ su, dec ŋac gauc gêm yom daêsam ma sêmbaliŋ yom ŋamalic daêsam pi mac, tu sêpu mac-nga.

⁵ Magoc Anötö oc êŋsu lau dau pi ŋac si mêtê têtŋ iŋ ndê bêc êmatôc lau-nga. Iŋ kêmasaŋ dau su bu êŋsahê lau naŋ sêmbo tali ti ŋac naŋ sêmbac ndu su.

⁶ Tu yom dinaŋ-nga dec sêhoc ŋawaê ŋayham asê têtŋ lau. Ma lau naŋ sêmbac ndu su, naŋ si sêmbac ndu kêkuc lêŋ matôc-nga naŋ lau nom-nga hoŋ sic

waê bu sêtap sa tu sêkôm sac-nga. Magoc tu nac sêngô ñawaê ñayham su-nga, dec nac si gatu gitôm bu oc mbo tali whiñ Anötö.

⁷ Têm meñ kêpiñ su bu gêñ kwahic dec-nga hoñ oc niñga. Bocdinañ atimêê daôm ñapep ma ambo ti gauc ñawa tu aten mbec-nga.

⁸ Asap mêtê atac whiñ asidôwai-nga dôñ hôc gêlêc mêtê ñayham hoñ su. Bu asa nañ mêtê atac whiñ-nga gêm in ahuc, nañ tôm bu suc sac bocke nañ in ndê asidôwai sêkôm têñ in ñapañ, nañ kwi.

⁹ Akôc lau sa ti andic ya nac, ma akôm ti atac ñayham eñ.

¹⁰ Anötö gic sam in ndê mwasiñ têñ mac hoñ bu akôm gwelenj tidau-tidau. Akôc mwasiñ dau sa ñambwa dom, magoc mac tigenj-tigenj anem akiñ nem asidôwai ñapep tôm mwasiñ dau puc mac dôñ.

¹¹ Am asa nañ tap mwasiñ hoc yom asê-nga sa, nañ sôm yom tôm Anötö dau sôm yom sa am whamsuñ. Am asa nañ bu nem akiñ gôlôwac dabuñ, nañ nem akiñ tôm licwalô nañ Anötö kêñ têñ am. Ma tu sakiñ tidau-tidau nañ mac hoñ akôm-nga, nañ dec lau oc sêmpinñ Anötö tu Yisu Kilisi-nga. Datoc in sa tu in ndê ñawasi ti ñaclai-nga tôm têm hoñ ndi. Yomandô.

Lau nañ sêkêñ whiñ Kilisi oc sêtap kisa sa

¹² O aneñ lau atac whiñ-nga. Asô tu ñawapac ti kisa nañ kwahic dec mac ahôc, nañ-nga dom. Alic tôm gêñ wakuc nañ am gauc ñahu, nañ dom.

¹³ Magoc atac ñayham bu mac awêkaiñ Kilisi ndê lêñ hôc ñandê-nga. Ma bocdinañ têñ ndoc in mbu meñ, ma lau hoñ sêlic in ndê ñawasi atu, nañ mac oc atac ñayham atu bocdinañ.

14 Lau bu sêpu mac tu Kilisi ndê ñaê-nga, nañ gauc nem mwasiñ atu nañ mac atap sa su, bu Anötö ndê Ñalau ti ñawasi atu mbo whiñ mac.

15 Aö gasôm yom dec hêganôñ ñandê ti ñagêyô nañ lau sêhóc tu sic yomsu nom-nga popoc-nga dom. Mba. Bu mêtê dandic ñamalac ndu-nga, danem kanñ gêñ-nga ma tanğalôm lau danñ si yom-nga, nañ gic waê lau sêkêñ whiñ-nga dom.

16 Magoc mac bu ahóc ñandê tu anğkuc Kilisi-nga, nañ mayam daôm dom, magoc ampiñ Anötö bu inñ hê Kilisi ndê ñaê pi mac.

17 Bu ñawapac bocke nañ tap yac sa têtñ têtñ kwahic-nga, nañ meñ bu êñsahê Anötö ndê lau yac muñ. Bocdinañ oc ñalêñ mba bu lau nañ sêkêñ whiñ Anötö ndê ñawaê ñayham dom, nañ sêñlêc saê ti ñawapac têtñ têtñ ñambu-nga.

18 Tôm yom nañ sêto yêc nañ sôm bu:

Lau gitêñ nañ sêtap Anötö ndê mwasiñ nem ñac si-nga sa, nañ sêñlêc ñawapac dom. Bocdinañ lau nañ danğapêc têtñ Anötö ma sêkôm sac ñapanñ, nañ oc sêlhö su dom andô. *[Prov 11:31]*

19 Bocdinañ Anötö bu kêtñ ñasawa têtñ lau bu sêkêñ ñawapac têtñ mac lau nañ ati inñ ndê, nañ gauc nem yom daêsam e ahu mêtê ñayham siñ dom. Magoc akêñ daôm sambuc asóc inñ amba ñapu, bu inñ kêmasañ mac ti gêtñ honñ, ma oc hu mac siñ dom.

5

Pita gêm la lau bata ma lau wakuc ti lau honñ

1 Kwahic dec aö bu wanem la lau bata nañ sêyob mac. Aö daunñ ñgac bata danñ, ma aö daunñ galic Kilisi hóc ñandê ma mbac ndu. Ma aö oc wawêkainñ

in ndê n̄awasi nan oc meŋ sa tiawê t̄eŋ bêc in mbu meŋ-ŋga.

² Mac lau bata, ayob Anötö ndê domba nan sêmbu mac nem gôlin̄ n̄apu, nan n̄apep. Akôm tu lau sênyalin̄ mac sa ti sêkac mac-ŋga dom, me tu akôc n̄aôli-ŋga dom, magoc ayob n̄ac ti atac n̄ayham ma ti nem n̄jalôm sambuc tu anem akin̄ Anötö-ŋga.

³ Ma atôc dôhôn̄ n̄ayham t̄eŋ Anötö ndê domba nan sêmbu mac n̄apu. Mac n̄adau n̄ac, magoc atoc daôm sa me akôm gêŋ ti n̄an̄ga t̄eŋ n̄ac dom.

⁴ Ma t̄eŋ ndoc Yisu, nan ti lau sêyob domba-ŋga hon̄ si n̄gac atu, nan mbu meŋ, nan in oc kôc mac sa ma kên̄ n̄aôli n̄ayham ti n̄awasi atu t̄eŋ mac, nan oc nin̄ga dom.

⁵ Mac lau wakuc, dan̄am wambu ti asôc nem lau bata n̄apu. Ma mac lau hon̄ akôc gauc daêsam pi daôm me apo daôm sa hôc gêlêc nem asidôwai dom, magoc ambo ti an̄gwiniŋ daôm. Bu Anötö ndê yom dan̄, sêto yêc bocdec bu:

Anötö kên̄gwiniŋ lau nan sêtoc dau sa, magoc kêmwasin̄ lau nan sêŋgwiniŋ dau. *[Prov 3:34]*

⁶ Tu dinan̄-ŋga dec ambo Anötö ndê n̄aclai n̄apu ma an̄gwiniŋ daôm, ma bocdinan̄ t̄eŋ ndoc nan in gêlic n̄ayham, dec in oc po nem waêm sa.

⁷ Gêŋ bocke nan kên̄ wapac mac, nan akêŋ sip Anötö amba, n̄ahu bu in gauc gêm mac n̄apan̄, ma tac whin̄ bu nem mac sa.

⁸ Atimêtê daôm n̄apep ma anem ali, bu mac nem n̄acyo Sadaŋ kêsâlê n̄asawa tu bu êntôm mac-ŋga n̄apan̄. In gitôm layon nan tan̄ atu ma kêsêlêŋ kêgihi n̄apan̄ ma kêsâlê gêŋ tu neŋ-ŋga.

⁹ Alhac ñaŋga ma asap nem akêñ whiñ dôñ bu akêñ ñasawa ðañ têtñ Sadanñ dom, ma amasuc iñ su. Ma gauc nem bu mac nem asidôwai sêkêñ whiñ-ña ñañ sêmbo nom ñagameñ honñ, ñañ sêñsahê ñawapac kaiñ tigenñ tòm mac.

¹⁰ Anötö iñ mwasiñ honñ ñadau ñañ kêgalêm mac sa bu piñ mac dôñ anem damiñ Kilisi, ma awêkaiñ iñ ndê ñawasi ñañ oc ñiñga dom. Ñasawa saunñ iñ oc êñgaho mac su yêc ñawapac ñañ kwahic dec mac ahôc, ma iñ oc ndic señeñ mac ma puc mac dôñ ña iñ ndê ñaclai, bu alhac ñaŋga.

¹¹ Iñ ndê ñaclai atu oc yêc ñapañ. Yomandô.

Pita gic bata ndê yom

¹² Sailas ñañ galic gitôm aneñ asidôwa ñandô tu puc aô dôñ-ña, ñañ gêm aô sa dec alu ato bapia apê dindec têtñ mac. Bapia dau bu puc yom pi Anötö ndê mwasiñ dôñ bu gêtñ ñandô, ma êñgili mac bu tamkwê mwasiñ dau ñapañ.

¹³ Lau sêkêñ whiñ-ña ñañ sêndôc malac Babilon,* ñañ Anötö kêgalêm sa sêti iñ ndê lau sêwhiñ mac, ñañ sêkêñ si acsalô têtñ mac. Ma Mak, ñañ galic gitôm aneñ balê, ñañ bocdinañ.

¹⁴ Akam ðaôm anñkuc lau sêkêñ whiñ-ña si lêtñ. Yom malô têtñ mac honñ ñañ akêñ whiñ Kilisi.

* **5:13:** Pita to yom pi malac Babilon, magoc lau ðaêsam gauc gêm bu yom dau hêganônñ malac Rom.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7